

Powšitkowne WOZJEWJENJA

njedźelu, 18. oktobra 2020

Přiležnosć k swjatej spowědži w Róžeńce

sobotu, 24. oktobra farar M.Anders, farar C. Hrjehor,
17.00 – 18.00 hodž. farar T. Dawidowski, farar dr. M. Kleiner

wutoru, 27. oktobra farar M.Anders, farar C. Hrjehor,
18.30 – 19.30 hodž. farar Š. Delan, farar dr. M. Kleiner

sobotu, 31. oktobra farar M.Anders, farar T. Dawidowski,
17.00 – 18.00 hodž. farar dr. B. Dittrich, farar B. Jakubaš

Přeco sobotu je do Božeje mše za lud a kraj, kotraž so we 8 hodž. zahaji, přiležnosć k swjatej spowědži.

Wo česćowanju swjateho Bosćana informuja nětko w Budyšinje

Wustajeńcu wo česćowanju swjateho Bosćana w Chróšćanskej wosadze móža sej zajimcy wotnětko w Budyskej tachantskej cyrkwi wobhladać. Wona budže hač do njedzele, 8. nowembra, za čas wotewrjenja simultaneje cyrkwyje přistupna, wot pónđzele do soboty wot 10 do 16 hodž. a njedźelu wot 12 do 16 hodž.

Kemše ze Smochćic w radiju

Rozhłosowy sćelak MDR Kultur wusyla tutu njedźelu, 18. oktobra, w 10 hodž. Božu mšu ze Smochćanskeho kubłanišća swjateho Bena. Kemše swjeći farar dr. Michael Kleiner, předar je farar dr. Siegfried Foelz.

Seminar k přihotej na mandźelstwo

Seminar k přihotej na sakrament mandźelstwa wotměje so pjatk a sobotu, 27. a 28. nowembra, w Smochćanskim kubłanišću swjateho Bena. Přizjewjenja přijimuja so hač do njedzele, 8. nowembra, jeničce online na internetowej stronje Dekanatneho dušepastyrstwa. Link k wotpowědnemu formularj a k dalšim pokiwam je pod www.posol.de podaty.

Finisaža k twórbam wo Swjatej Trojicy

Wustajeńca z twórbami k temje Swjata Trojica wuměłče Marie-Christin Rothenbücher je hišće hač do tuteje njedzele, 18. oktobra, w Smochćanskim kubłanišću swjateho Bena přistupna. Finisaža zahaji so w 16 hodž. w tamnišej cyrkwi swjateho Bena. Lawdaciju změje kanonik farar dr. Bernhard Dittrich.

Dalši serbski žarowanski kruh

Žarowanskaj přewodźerjej Regina Krawcowa ze Smječek a Tomaš Pěčka ze Sernjan poskićataj znova serbski žarowanski kruh. Prěnje zetkanje budže štwórtk, 5. nowembra, w 17.00 hodž. w Chróšćanskej putniskej hospodze. Zajimcy měli so pola hospicneje služby w Kamjencu pod telefonowym čisłom (0 35 78) 37 43 12 abo pola Reginy Krawcoweje pod čisłom (01 74) 7 01 94 87 přizjewić.

Wo strukturach na wsach wotnowa rozmyslować

Zastupjerjo sakskeje kubłanskeje a hospodarskeje politiki, nošerjo kubłanišćow, krajneho zarjada, cyrkwy a slědženja budu pónđzelu, 9. nowembra, wot 10 do 16 hodź. w Smochčanskim kubłanišću swjateho Bena wo přichodže kubłanja dorosćenych na wsach diskutować. Mjez druhim póndže wo to, kotry potencial tči w cyrkwjach na wsach, kotrež wostanu husto hdy poslednje zetkanišćo w dzeń a mjeńšich komunach. Mjez druhim porěča sakski kultusowy minister Christian Piwarz, Drježdžansko-Mišnjanski biskop Heinrich Timmerers, statny sekretar dr. Frank Pfeil ze sakskeho statneho ministerstwa za regionalne wuwice. W jednym ze štyrjoch fachowych forumow předstaja so Njebjelčicy jako wuknjaca wjes. Impuls k tomu poda tamniši wjesnjanoša Tomaš Čornak. W dalšim forumje porěči abatisa Gabriela Hesse z klóštra Marijineje hwězdy wo nim jako městnje kubłanja a wuknjenja. Přístup k zarjadowanju je swobodny, ale pisomne přizjewjenje do hač do pjatka, 23. oktobra, pak z mailku na info@kebs.de abo z póštu na KEBS, Smochčanske kubłanišćo swjateho Bena, Smochćicy 1, 02625 Budyšin, je trěbne. Informacije a přizjewjenski formular su pod www.bildungsgut-schmochtitz.de/landesforum2020 podate.

Zapokazanje noweho Serbskeho superintendenta

Ze swjedženskej Božej službu w Hodžijskej cyrkwi swjateho Pětra a Pawoła budže na reformaciskim dnju, sobotu, 31. oktobra, w 14 hodź. nowy Serbski superintendent Krystof Rummel (47) do swojeho zastojnstwa zapokazany. Wón naslěduje superintendenta Jana Malinka, kiž je so lětsa w lěću na wuměnk rozžohnował. Tež katolscy wěriwi su na tutu Božu službu přeprošeni. Nastupajo wobdźělenje měli so aktualne postajenja korony dla wobkedźbować.